

Newspaper	SINAR HARIAN
Date	30/07/2017



Ahmad Zahid memotong pulut kuning ketika merasmikan persidangan perwakilan Umno Bahagian Kota Melaka di Banda Hilir, semalam.

MELAKA - "Pinggan tak rekat, nasi tak dingin. Kau tak nak, kami pun tak ingin," kata Datuk Seri Dr Ahmad Zahid Hamidi terhadap Tun Dr Mahathir Mohamad yang mengulangi beliau tidak akan kembali sertai Umno walaupun Datuk Seri Najib Razak sudah mengundurkan diri.

Timbalan perdana menteri itu berkata, Mahathir sepatutnya sedar zamannya mentadbir negara sudah berlalu dan seharusnya memberi peluang kepada pemimpin lain yang lebih muda.

"Dah berpuluh-puluh tahun kita beri peluang, rumah dah kata pergi kubur dah kata mari. Nak jadi perdana menteri pula, memanglah gila talaklah," katanya di hadapan lebih 1,000 perwakilan ketika merasmikan per-

sidangan perwakilan Umno Bahagian Kota Melaka di Banda Hilir, semalam.

Turut hadir, Ketua Menteri, Datuk Seri Idris Haron; Ketua Umno Bahagian Kota Melaka, Datuk Latiff Tamby Chik.

Baru-baru ini, video yang dimuat naik di *Facebook* Parti Bersatu memaparkan mengenai Pengerusi Pakatan Harapan (Harapan) itu ditanya sama ada beliau akan kembali ke Umno sekiranya Najib tidak lagi menjadi perdana menteri.

Menurut Mahathir, beliau tidak akan kembali pada Umno yang dilihat sudah rosak teruk ekoran anggotanya didakwa lebih mengutamakan kepentingan diri serta lari daripada memperjuangkan agama, bangsa dan rakyat.